

涑水縣志目錄

卷首

宸章

圖十七

表一

卷一

地理志

疆域

附形勝

山川

附關隘

橋梁

古蹟

附陵墓

寺觀

坊表

村閭

附鄉社

集市

風俗

祥異

卷二

建置志

城池

公署

附館驛

倉庫

學校

附書院

壇廟

附祠閣

郵政

附義塚

卷三

食貨志

田賦

附戶口

旗租

雜稅

鹽政

經制

積貯

附社穀

義穀

物產

卷四

祀戎志

秋祀

羣祀

軍制

附敦民

卷五

職官志

文職

武職

宦蹟

卷六

科貢志

科第

附恩拔歲副

武科

附援例

薦舉

附廕襲

封贈

卷七

人物志

實行

閭節

附孝

流寓

附仙釋

卷八

藝文志

傳記

記

雜著

詩歌

卷末

餘錄

涑水縣志卷一

地理志

涿距京六舍於甸服爲納銍地山前攝涿易之交山
後聯保蔚之險亦巖疆也攷古司徒所掌職方所正
凡以肩鑰之寄責在保障而山河繫之井墟繫之雖
增省異時衝僻異勢其劃界固圉以爲安養斯民計
者隨廣輪爲終始也作地理志

舊志

山前疆域

東至京師一百八十里至涿州界十三里至州城五十里西至本州界二十里至州城四十里南至保定省城一百五十里至定興縣界二十里至縣城三十里北至房山縣界三十里至縣城一百一十里

東南至新城縣界二十五里至縣城四十里西南至本州界二十二里至本州城四十五里東北至房山縣界三十里至縣城九十里西北至縣屬山後界五十里東西廣三十五里南北袤六十里

以上方位里數以縣城論

山後疆域

縣屬黃莊司在縣西北距縣城一百三十里自黃莊司

東至交馬口九十二里接本州界西至道水口一百四十里接蔚州界南至交界碑二里許接本州界北至大龍門一百二十里接涿州三坡界

東南至拒馬河口五里接本州界西南至金水口七十二里接廣昌縣界東北至鐵鎖崖拒馬河分流處一百三十里南接縣屬山前界北接房山縣界東西廣二百三十二里南北袤一百二十二里

以上方位里數均以黃莊司論

按廣輪之數增省或有不同夷險之形今昔原無殊
致縣屬西北一帶崇山峻嶺難以里計而鄰壤毘連
確有可指如金水之界廣昌道水之界蔚州馬水之
界保安是也舊志所載率多舛漏今詳核輿圖悉爲
提出以正封圻縣治至山後由龍灣繞河而上可抵
蓬頭然紆迴險仄甚於羊腸蓋樵豎之徑叱馭爲難
也勾當公事杖策走奇峰嶺始達黃莊該處距縣計
程一百三十里而僭徑於本州不下十之九焉犬牙
相制之義嚴矣哉

舊志

附形勝

正北曰并州其山鎮曰恆山其澤藪曰昭餘祁其川庠

池嘔夷其浸淶易

周禮

龍門白馬關塞稱雄龜洞紫涼山巒峙秀

畿輔通志

東縈拒馬西帶遒瀾南襟易水北障燕山山明水秀地

列高原昔劉琨守此以拒石勒亦雄武之區也

舊志

馬水口山勢雄壯巖岫相連峰巒互出兼之林木陰翳

溪徑轉折東至京師二百八十里實爲右輔

畿輔通志

按馬水至京一踰奇峰嶺趨山前大道一出沿河
口經房山崎嶇路小計程稍近卽通志所云里數也

山川

長堤山縣西十里特峙無羣可以遠眺

檀山 縣西二十里與易州西北界之白楊嶺相連濡

水經其下峰巒秀麗中多檀木

名勝志

石龜山石狀如龜內有巖可容千人巖下龍湫禱雨輒應山左一洞其深莫測外狹內寬迤邐而去路通廣昌四百餘里入洞中數十步石壁上有生成石佛

舊志

文山 縣西北八里武山之東

武山 縣西北九里四山周圍如列劍戟因名

樂平山 縣西北十七里卽檀山之支峰也

紫涼山 縣西北三十里高百餘丈山深谷空樹木陰

翳涼氣逼人其東爲馬龍山

馬龍山 縣西北三十里紫涼山之東

龍宮山 縣西北三十里有石洞出泉匯而不流相近

爲九泉山

水峪山 縣西北三十五里半崖有洸泉

龍安山 縣北四十五里山高溪深人迹罕至世以爲

神龍所居之地

舊志

徧竹山 在水峪山之西

雲溪山 縣北五里俗呼磨盤山縣之鎮也山形奇秀

白雲常棲其上

牆山 縣北三十里形如峭壁

金山

一名金絲山

縣北四十里有一嶺名朝陽其色如金故

名俗呼人安寨

傳房水山

縣北四十里山畔有厓厓上有堂堂中有

蜜又西爲竹子廛其地多叢竹故名

龍灣山

縣北五十里高峰卓立下爲鐵鎖崖崖下有

龍潭俗呼鐵葉寨爲拒馬河分流處

天堂山

縣北六十里山勢峻爽

亭山

縣北三十里以山形亭亭特立而名

釜山

縣西北三十里形如覆釜山腰有龍潭深不可

測遇旱禱雨輒應前邑令陸展箴因建石亭於潭之

上榜曰一天水其左有龍王廟並加修葺

陸志史記黃帝北逐葷粥合符釜山而邑於涿鹿之野括地志云釜山在媯州懷戎縣北山上有舜祠若在媯州則何邑於涿鹿之野查府志載黃帝都涿鹿朝諸侯合符釜山通鑑纂要註釜山在安肅縣又據通鑑記黃帝擒蚩尤於涿鹿註云涿鹿山名卽今涿州又按涿州志釜山在今涿之西南易之東北涑釜山離涿州六十里正在其西南形如覆釜縣亘數里相傳黃帝逐蚩尤屯兵於此山下有村人煙稠聚舊婁亭縣地恐合符在此立經有辯附藝文

舊志

藏刀山 縣西北涑水又南逕藏刀山下層巒壁立直

上干霄遠望懸崖有若積刀鏤鏤相比

水經注

佛洞山 縣西北地勢幽曠山色秀蒼崖深石怪嶺峻
巒長而且東控龍門北連馬水南通白澗西拱紫荆
明萬曆中太監王中題碑在焉

金洞山 縣西北一百九十一里俗呼金洞塌又名珠

寶窩明萬曆中太監王中開礦於此

見明書

鐵槩山 縣西北距縣一百四十里卽南山砥柱也

寒山 縣西北距縣一百八十七里

大龍門山 縣西北距縣二百五十里雙峰對峙形勢